



Vibeke Helene AS

Saksbehandlar, innvalstelefon

Ingrid Leirvik Olsen, 555 72059

Løyve etter forureiningslova til utfylling i sjø ved gnr./bnr. 30/49 ved Olsetvikane i Askvoll kommune for Vibeke Helene AS.

Statsforvaltaren i Vestland gir Vibeke Helene AS løyve etter forureiningslova til utfylling i sjø. Føremålet med tiltaket er å lage en molo for å etablere hamn på gnr/bnr 30/49 i Askvoll kommune. Tiltaket omfattar utfylling i sjø av ca. 3 000 m³ stein (ca. 4 800 tonn) over eit areal på 400 m². Ca. 450 m² landareal skal skytast ut på innsida av moloen.

Tiltakshavar ønskjer å gjennomføre arbeidet så raskt som mogleg, med oppstart hausten 2025 og ut 2026.

Løyvet er gjeve med heimel i forureiningslova § 11, jf. § 16.

Vi viser til søknad datert 16. mai 2025, oppdatert søknad 27. oktober 2025, samt andre opplysningar som kom fram under behandling av søknaden.

Vedtak om løyve etter forureiningslova § 11

Statsforvaltaren gjev løyve til utfylling av ca. 3 000 m³ steinmassar i sjø frå land ved eigedom 30/49 i Askvoll kommune. Løyvet er heimla i forureiningslova § 11. Løyvet er gjeve på spesifikke vilkår som er lista opp i eige vedlegg. Statsforvaltaren har i avgjerda lagt vekt på dei forureiningsmessige ulemper ved tiltaket jamført med dei fordeler og ulemper som tiltaket dessutan vil medføre. Statsforvaltaren har regulert dei forholda som er vurdert til å ha dei mest alvorlege miljømessige konsekvensane.

I tillegg til dei krava som følgjer av løyvet, pliktar verksemda å overhalde forureiningslova og produktkontrolllova, med tilhøyrande forskrifter. Nokre av forskriftene er nemnde i løyvet. For informasjon om andre reglar som kan vere aktuelle for verksemda, viser vi til heimesida til Miljødirektoratet www.miljodirektoratet.no.

Løyvets vilkår følger vedlagt dette brevet.




Vedtak om gebyr for sakshandsaming

Statsforvaltaren tar gebyr for arbeid med løyve og kontroll etter forureiningslova. På bakgrunn av Statsforvaltarens ressursbruk i saka, tek vi gebyr etter sats 6, 45 600 kroner, for handsaming av søknaden, jf. forureiningsforskrifta §§ 39-3 og 39-4. Faktura vert sendt frå Miljødirektoratet. Sjå forureiningsforskrifta kapittel 39 for å lese meir om sakshandsamingsgebyret.

Om tiltaket

Vibeke Helene AS søker om løyve etter forureiningslova til anleggsarbeid i sjø for å etablere ein molo som hamn for fiskebåt/sjark i eigedomen 30/49 i Olsetvikane, Askvoll kommune (Fig. 1). Med dagens vindforhold frå nord og nordvest er det ikkje mogleg å ha båt liggande utan ly frå molo.



Figur 1: Satellittbilde som viser plassering av tiltaksområde (rød sirkel) (Kilde: Google Maps).

Det skal fyllast ut 3000 m^3 (4 800 tonn) sprengstein over et areal på 400 m^2 . Steinen skal fyllast frå land. Vassdjup i utfyllingsområdet er 1-4 m. Moloen skal gå 15 m ut frå land (Fig. 2), ha ei lengd på 34 m mot aust og vere 4 m brei på toppen, som skal ligge 2 m over flomålet. Tiltaket inneber òg utskyting av ca. 450 m^2 landareal på innsida av moloen, der massane frå sprenginga skal brukast til moloen. Massane er utan forureining.



Figur 2: Kartutsnitt som viser planlagt utbreiing av tiltaket.


I nærleiken av tiltaksområdet er det registrert våtmarksområde, gyteområde for kysttorsk, sild og brisling, hekkande fuglearter av særleg stor forvaltningsinteresse (sjøorre, dvergdykkar, hettemåke og lomvi) og fiskeplassar med aktive reiskap (Fig. 3). Aust og nord-aust for tiltaksområdet er det i Kystinfo¹ områder som er registrerte med *viktig* ålegras og *svært viktig* blautbotn.

Som avbøtande tiltak har tiltakshavar foreslått å ikkje arbeide i tidsrommet 1. februar – 31. mai.

Det er planlagt å bruke stadlege masser for utfylling til molo, ved behov for meir masser vil det bli brukt lokale massar. Massane vil bli visuelt kontrollert etter utsprenging og ved opplasting. All forureining som er synleg vil bli fjerna.

Tiltakshavar ønskjer å gjennomføre arbeidet så raskt som mogleg, med oppstart hausten 2025 og ut 2026.

¹ <https://a3.kystverket.no/kystinfo>



Figur 3: Oversiktskart som viser plassering av tiltaksområde (rød sirkel), fiskeplassar m/ aktive reiskap, gyteområda for torsk, sild og brisling og marine naturtypar (blautbotn og ålegras) (Kilde: Kystinfo).

Høyring

Søknaden vert sendt på høyring til Askvoll kommune, Bergens Sjøfartsmuseum, Fiskeridirektoratet, Mattilsynet og Sør-Norges Fiskarlag samt lagt ut til høyring på Statsforvaltarens heimeside. Frist for å gje eventuelle merknadar var 4. august 2025.

Vi fekk høyringsutsegn frå Askvoll kommune og Fiskeridirektoratet.

Askvoll kommune (6. august 2025 og 22. oktober 2025)

Attgjeving av uttale:

06.08.2025:

«Mesteparten av tiltaket ligg innanfor reguleringsplan for Olsetvikane industriområde. Om lag halvparten av mololengda ligg innanfor føremål industri. Det vil seie at utfylling i sjø til næringsområde er tillatt. Føremålet opnar derimot ikkje for å anlegge hamn/kai (dvs. sjøområde). Andre halvdel av moloen ligg innanfor «Vatn», som tilsvarer føremål Trafikkområde i sjø. Føresegnene til reguleringsplanen inneheld ikkje føringar som er relevante for ureiningssaka.



Teikninga av moloen og dei påførte lengdene i søknaden stemmer ikkje heilt overens. Med mololengde på ca. 40m vil nokre få meter av omsøkt molo gå utanfor reguleringsplanen. Her viser arealdelen av kommuneplanen føremål Bruk og vern av sjø og vassdrag med tilhøyrande strandsone, og omsynssone Bevaring naturmiljø (dvs. gyte- og oppvekstområde).

Reguleringsplan for Olsetvikane industriområde i kommunen sitt planregister:

<https://www.arealplaner.no/askvoll4645/arealplaner/6?planStatusId=3>

Arealdelen og reguleringsplan i kommunen si kartløyving:

<https://kommunekart.com/?urlid=d5cc3fcf-8ea6-4948-b908-38e05f95f2f9>

Reguleringsplanen er gamal, frå 1984, og vil truleg bli oppheva i samband med revisjon av arealdelen, eit arbeid som er i gang. Det har likevel ikkje vore noko tema å ikkje vidareføre industriområdet her. Om det vil bli opna for like mykje utfylling i sjø som i gjeldande reguleringsplan er usikkert.

Omsøkte tiltak er ikkje i samsvar med gjeldande arealplanar, og treng dispensasjon, jfr. plan- og bygningslova kap. 19.

Vi kjenner ikkje til konkret mistanke om ureining i grunnen/sjøbotnen i området.»

22.10.2025:

«Entreprenør Grunnfjell AS søkte på vegne av Vibeke Helen AS om løyve etter forureiningslova til utfylling i sjø for å etablere molo i 40 m lengd ut frå land ved Olsetvikane, gnr. 30 bnr. 49. Sjå dykkar ref. 2025/9029. Søknaden er no endra og kommunen har handsama den endra søknaden om dispensasjon frå reguleringsplan for industriområde ved Olsetvikane. Det vert no søkt om ein molo som går 15 m ut frå land med ein vinkel på 31-34 m lengd mot aust. Moloen vert 4 m brei på toppen og topp molo skal ligge 2 m over flomålet. Skråningane skal ha ei helling på 1:1. Djupna der moloen endar er ca - 5- 6 m under middelvass-stand. Topp molo vert liggande innanfor område som i reguleringsplanen er sett av til industri. Det må skytast ut på innsida av moloen, ca. 450 m² landareal ned til kote -3,5 m djupne. Det er opplyst at slik hamna er planlagt vil det bli nokolunde massebalanse, men noko finmasse må køyrast vekk. Formannskapet gav i sak for 94/25 dispensasjon frå industriføremålet i reguleringsplanen og byggegrensa langs sjø til etableringa av hamna.»

Fiskeridirektoratet (10. juli 2025):

Attgjeving av uttale:

«I området denne saka gjeld, er det registrert eit gytefelt for torsk. Havforskningsinstituttet som har registrert feltet i 2016, vurderer at gytefeltet har lokal verdi (C) ihht. verdivurdering ved kartlegging av marint biologisk mangfald.

I sjøområdet utanfor omsøkte molo er det registrert ein fiskeplass kor det vert nytta snurpenot. Registrerte fiskeplassar vart sist revidert i 2012, og Fiskeridirektoratet har ikkje nyare data om utøving av fiske i sjøområdet.

Vår vurdering

Generelt ber Fiskeridirektoratet om at tiltak i, eller i nærleiken av, registrerte gytefelt/gyteområde blir utførte utanom torsken si gyteperiode (januar-mai). Støy i vassmassene og oppvirvling av



botnsediment kan påvirke gytesuksessen negativt. Vi ber difor om at det omsøkte tiltaket i sjø i samband med etablering av molo, i størst mogleg grad blir gjennomført utanom gyteperioden.

Når det gjeld fiskeklassen og utøving av fiske, er vår vurdering at etablering av molo som omsøkt ikkje kjem i konflikt med vesentlege fiskeriinteresser.»

Rettsleg grunngjeving for løyve

Forureningslova

Etter forureiningslova § 7 må ingen sette i verk noko som kan medføre forureining utan at det er lovleg etter unntaksreglane i § 8 eller tiltaket har løyve etter § 11. Statsforvalteren har handsama saka som rett forurensningsmyndighet for forurensning fra anleggsvirksomhet, jf. rundskriv² T-3/12.

Arbeid i sjø frå land er mellombels anleggsarbeid og er som hovudregel lovleg utan løyve, jf. forureiningslova § 8 første ledd nr. 3, når forureininga frå anleggsarbeidet er "vanleg". Utfylling som bidreg til å spreie finstoff som kan påvirke fiskeinteresser, trua artar, marine naturtypar eller bidra til plastforureining, er ikkje vanleg forureining og tiltaket må ha løyve. Statsforvalteren finn at utfyllingane i dette tiltaket krev løyve etter lovas § 11, med vilkår for utføring etter § 16.

Når Statsforvalteren vurderer om det skal gjevast løyve til forureinande verksemd, og eventuelt på kva vilkår, skal vi leggje vekt på forureiningsulempene ved tiltaket haldne saman med fordelar og ulemper tiltaket elles vil kunne føre til jf. forureiningslova § 11 siste ledd. Statsforvalteren legg til grunn anbefalingar i Miljødirektoratets rettleiar M-350/2015 *Handtering av sediment* i vår vurdering av saka.

Naturmangfaldlova

Forvaltningsmåla i naturmangfaldslova §§ 4 og 5 ligg til grunn for Statsforvaltarens myndigheitsutøving. Videre skal prinsippa i §§ 8 til 12 om blant anna kunnskapsgrunnlag, føre- var- tilnærming og samla belastning leggjast til grunn som retningslinjer når Statsforvalteren treffer avgjerder som rører ved naturmangfald.

Vassforskrifta

Søknader om løyve til tiltak i sjø og vassdrag skal også vurderast etter vassforskrifta. Vassforskrifta inneheld forplikande miljømål om at myndigheitene skal sørge for at alle vassførekomstar skal oppnå god kjemisk og økologisk tilstand innan 2027 med mindre det er gitt unntak med heimel i § 9 eller § 10.

Avgrensing mot plan- og bygningslova

Statsforvalteren kan ikkje gje løyve etter forureiningslova § 11 dersom dette er i strid med endelege planer etter plan- og bygningslova. Askvoll kommune skriv i sine uttaler at det er gitt dispensasjon frå industriføremålet i reguleringsplanen og byggegrensa langs sjø til etableringa av hamna.

Statsforvaltar kan då gje løyve etter forureiningslova til dette anleggsarbeidet. Vi tek med standard vilkår at løyvet ikkje kan nyttast før Askvoll kommune har godkjend tiltaket med rammeløyve og igangsetjingsløyve etter plan- og bygningslova.

² "Statsforvalterens myndighet etter forurensningsloven, oreigningslova og produktkontrolløven." Rundskriv T-3/12 sist endret 11. desember 2019.



Vår vurdering av søknaden

Søknaden manglar opplysningar om fiskeriinteresser, marine naturtypar og verneområde i nærleiken av utfyllingsområdet som kan bli utsett for forureining og negativ påverknad frå utfyllinga. Søk i Kystinfo¹ gjer ei god oversikt over registrert artsmangfald i Askvika/Olsundet (Fig. 3 og 4).

Utfyllingsområdet er omgitt av registrerte fiskeriinteresser (gytefelt kysttorsk³, gytefelt brisling og sild⁴, fiskeplass for aktive reiskap⁵) og ligg ca. 480 meter vest frå registrert ålegrassamfunn⁶ og blautbotnsområde⁷ (Fig. 3).



Figur 4: Satellittbilete som syner Askvika-, Lauvholmen- og Flatøy naturreservat rundt tiltaksområdet (Kilde: Kystinfo).

³ ID154 Høyvika – Granessundet – C-vekta gytefelt – lokalt viktig – kjelde: Havforskningsinstituttet

⁴ ID569 – Askvika – Gytefelt brisling og sild – februar – april – kjelde: Askvoll fiskarlag

⁵ ID1305 Askvika – snurpenot/ringnot – makrell, sild og brisling - kjelde: Askvoll fiskarlag

⁶ ID-BM00120591- Ålegras – verdi viktig – ein stor ålegraseng med tett førekomst av Zostra marina. Opptil 1 meter lange blad. Enga er 32 130 m² stor- Kjelde NIVA, HI og NGU 2019

⁷ ID-BM00115011 – Askvika og Leira - svært viktig – Kjelde NIVA 2017



Og utfyllingsområdet ligg hhv. 660 meter vest for Askvika⁸ naturreservat og hhv. ca. 1 km nordaust for Lauvholmen⁹ naturreservat og ca. 1,85 km nord-aust for Flatøy¹⁰ naturreservat (Fig. 4).

Grunngjeving for valde vilkår og krav

Utfylling av sprengstein i sjø vil kunne medføre spreiding av partiklar/finstoff som kan ha negative effektar på naturverdiar og fiskeriinteresse. Det kan blakke vatnet og nedslamme omkringliggande sjøareal, og partiklar i for høge konsentrasjonar kan ha negative effektar på fisk, marint naturmiljø og verneområda. Tiltaksområdet ligg omgitt av mange sårbare naturtypar og marine artar som omtalt ovanfor. Vi vurderer at vi kan gje løyve til denne utfyllinga, men det vil skje med mykje strengare vilkår for utføring enn det som er søkt om.

Utfyllinga skal skje med stadlege sprengsteinsmassar. Ved behov blir det brukt lokale massar. Det er ikkje opplyst om steinen sprengast med elektroniske tennsystem med skytestreng som søkk eller non-el tennsystem med skytestreng som flyt. Vi krev at tiltakshavar oversende oss meir detaljert informasjon om steinmassane som skal nyttast til utfyllinga.

Basert på innspel frå Fiskeridirektoratet, Askvoll kommune og kunnskap innhenta under arbeid av dette løyvet, legg vi til grunn at fare for forureining og negativ påverknad vert redusert til akseptabelt nivå ved å utføre utfyllinga med følgjande avbøtande tiltak:

- Utfylling skal skje utanom gyteperioden som av Fiskeridirektoratet er sett til 1. februar til 31. mai.
- Utfyllinga skal skje bak dobbel siltgardin.
- Siltgardinas funksjon skal overvakast med turbiditetsmålar med alarmgrenser for stans i arbeida dersom alarmgrensa vert overskriden.
- Søkjar skal utarbeide ein plan for kontroll og overvaking av anleggsarbeida i sjø. Planen skal godkjennast av Statsforvaltar før oppstart. Skrivning av planen, plassering og drift av turbiditetsmålarar og bestilling og feste av siltgardiner skal utførast av kompetent personell med røynsle frå slikt arbeid.

Vi set forbod mot utfylling i sjø i gyteperioden for kysttorsk. Vi vurderer at støy frå denne utfyllinga ikkje har negativ påverking for verneområda for fugl på grunn av lang avstand, så vi regulerer ikkje det. Vi har erfaring med pågåande utfyllingsprosjekt at doble siltgardiner gjev ein sikkerheit mot spreiding av finstoff frå utfyllingsmassane spesielt for å beskytte ålgerasførekomsten. Og vi set vilkår om at siltgardinas funksjon skal overvakast med turbiditetsmålarar på utsida av siltgardinene med alarmgrenser for stans i arbeida.

⁸ ID-VV00001275 – Verneplan for våtmark – verna 1991, ingen forvaltningsplan- Formålet med naturreservatet er å verne eit område som er av særleg verdi for biologisk mangfald ved at det er ein viktig hekkelokalitet for sjøfugl. Vernet skal gi sjøfuglane gode og trygge livsvilkår

⁹ ID-VV00001285 – Verneplan for sjøfugl – forvaltningsplan godkjend 2009- Formålet med naturreservatet er å verne eit område som er av særleg verdi for biologisk mangfald ved at det er ein viktig hekkelokalitet for sjøfugl. Vernet skal gi sjøfuglane gode og trygge livsvilkår, og ta vare på området med naturleg tilhøyrande vegetasjon og dyreliv. Verneformålet gjeld på land og i vatn, medrekna sjøbotn, vassøyle og vassflate.- Kjelde Statsforvaltaren i Vestland

¹⁰ ID-VV00001276 – Verneplan for sjøfugl – forvaltningsplan godkjend 2009- reservatet utmerkar seg ikkje ved store individtal, men stort artsutval. Føremålet med vernet er å gje sjøfuglane gode og trygge livsvilkår, og å ta vare på ein viktig hekke-, trekk og overvintringslokalitet for sjøfugl med naturleg tilhøyrande vegetasjon og dyreliv- Kjelde Statsforvaltaren i Vestland



Bruk av sprengsteinmassar til utfylling i sjø kan gi fara for spreining av plastavfall til sjøen. Plast bruker lang tid på å broten ned, og det har ein negativ og uønskt påverking på miljøet. Statsforvaltaren stiller vilkår for å avgrensa tilførsel av plastavfall til omgivnadene.

Statsforvaltaren meiner at faren for spreining av forureining og negativ påverknad er akseptabel med dei avbøtande tiltaka som er gjeven i dette løyvet. Dei søkte tiltaka er teken inn som vilkår i løyvet, med dei endringar og presiseringar som Statsforvaltaren har bestemt.

Vurderingar etter naturmangfaldlova og vassforskrifta

Krav til kunnskapsgrunnlaget er etter vår vurdering oppfylt, jf. naturmangfoldloven § 8. Sidan vi vurderer kunnskapsgrunnlaget som tilfredsstillande, vil ikkje føre-var-prinsippet (NML § 9) kome til bruk.

Vi har teke omsyn til økosystemet og den samla belastninga (NML § 10) gjennom vurderingar som ligg til grunn for krava som er sett i vilkåra i løyvet. NML § 11 påpeiker at det er tiltakshavar som skal bære kostnadene til avbøtande tiltak.

Miljømålet i vassforskrifta er at alle vassførekomstar skal oppnå minst god økologisk og kjemisk tilstand. Ein forverring av ein vassførekomst kan ikkje tillatast dem mindre det er moglegheit til å gje unntak, jf. vassforskrifta § 12.

I denne saken legger Statsforvaltaren til grunn at tiltaket vil gje ein midlertidig påverknad og at tilstanden i resipientane vil bli gjenoppretta når arbeidet stansar. Vi ser det derfor ikkje som sannsynleg at tiltaket vil kunne føre at miljømåla ikkje nåast, eller at tilstanden til vassførekomsten blir forverra. Krava i vassforskrifta er difor ikkje til hinder for å gje løyve etter forureiningslova.

Endring og omgjering

Vi vil påpeike at all forureining frå verksemda isolert sett er uønskt. Sjølv om utsleppa er innanfor dei fastsette grensene, pliktar verksemda å redusere utsleppa så langt som mogleg utan urimelege kostnader. Det same gjeld utslepp av komponentar det ikkje er satt grenser for gjennom særskilte vilkår.

Verksemda er pliktig til å unngå unødvendig forureining, jf. forureiningslova § 7. Viser det seg at forureiningsforholda endrar seg, kan Statsforvaltaren med heimel i forureiningslova § 18 endre vilkåra i løyvet og setje nye vilkår, og om nødvendig trekkje løyvet tilbake. Endringar skal vere basert på skriftleg sakshandsaming og ei forsvarleg utgreiing av saka. Ein endringssøknad må difor sendast i god tid før ei eventuell endring kan gjennomførast.

At vi har gitt løyve til forureining fritar ikkje erstatningsansvar for skade, ulemper eller tap som forureininga har ført til, jf. forureiningslova § 56. I tillegg til dei krava som følgjer av løyvet, pliktar verksemda å overhalde forureiningslova og produktkontrolllova med tilhøyrande forskrifter. Nokre av forskriftene er nemnde i løyvet. For informasjon om andre reglar som kan vere aktuelle for verksemda viser vi til heimesida til Miljødirektoratet, www.miljodirektoratet.no. Brot på løyvet er straffbart etter forureiningslova §§ 78 og 79.

Brot på krav som følgjer direkte av forureiningslova og produktkontrolllova med tilhøyrande forskrifter er òg straffbart.



Rett til å klage

Partane involvert i saka og andre med særleg interesse kan klage innan tre veker frå verksemda har mottatt dette brevet, jf. forvaltningslova § 28. I ein eventuell klage skal det gå klart fram kva klagen gjeld, og kva endringar ein ønskjer. Klagen bør vere grunngjeven og skal sendast til Statsforvaltaren i Vestland. Klageinstans er Miljødirektoratet.

Ein eventuell klage fører ikkje automatisk til at gjennomføringa av vedtaket blir utsett. Statsforvaltaren eller Miljødirektoratet kan etter oppmoding, eller på eige initiativ, avgjere at vedtaket ikkje skal gjennomførast før klagefristen er ute eller klagen er avgjort. Ei slik avgjerd kan det ikkje klagast på.

De kan også klage på vedtaket om gebyrsats, jf. forureiningsforskrifta § 41-5. Ein eventuell klage skal vere grunngitt, og han må sendast til Statsforvaltaren i Vestland innan tre veker. Ein eventuell klage fører ikkje automatisk til at vedtaket blir utsett. Verksemda må difor betale det fastsette gebyret. Dersom Miljødirektoratet godtar klagen, vil overskotsbeløpet verte refundert.

Med helsing

Magne Nesse
senioringeniør

Ingrid Leirvik Olsen
rådgjevar

Dokumentet er elektronisk godkjent

Vedlegg: Løyvets vilkår

Kopi til:

Fiskeridirektoratet
Askvoll kommune
Bergens Sjøfartsmuseum
Sør-Norges Fiskarlag
Mattilsynet
Grunnfjell AS



Løyve etter forureiningslova til anleggsarbeid i sjø ved gnr./bnr. 30/49 ved Olsetvikane i Askvoll kommune for Vibeke Helene AS.

Statsforvaltaren gjev Vibeke Helene AS løyve med heimel i forureiningslova § 11, jf. § 16. Løyvet er gitt på grunnlag av søknad datert 16. mai 2025, oppdatert søknad 27. oktober 2025 og andre opplysningar som kom fram under sakshandsaminga. Løyvet gjeld frå dags dato og fram til anleggsarbeidet er avslutta.

Dersom de ønskjer endringar utover det som er opplyst i søknaden eller under sakshandsaminga og som kan ha miljømessig betyding, må de på førehand avklare dette skrifteleg med Statsforvaltaren.

Dersom heile eller vesentlege delar av løyvet ikkje er teke i bruk innan to år skal de sende melding til Statsforvaltaren om forventta oppstart, status i prosjektet med beskriving av eventuelle endringar som endrar risiko for forureining og evt. behov for endra avbøtande tiltak. Statsforvaltaren vil då vurdere behov for eventuelle endringar i løyvet og om endring av løyvet krev ny søknadsrunde.

Data om verksemda

Bedrift	Vibeke Helene AS
Postadresse	Prestemarka 8, 6980 Askvoll
Kommune og fylke	Askvoll, Vestland
Organisasjonsnummer/ eigd av	924519126 / 990062196

Statsforvaltaren sine referansar

Løyvenummer	Anleggsnummer	Saksnummer
2025.0947.T	4645.0077.01	2025/9029

Løyve gitt første gong: 21. november 2025	Endringsnummer:	Løyve sist endra:
Magne Nesse senioringeniør	Ingrid Leirvik Olsen rådgjevar	

Dokumentet er godkjent elektronisk



Endringslogg

Endrings- nummer	Endringsdato	Vilkår og omtale av endringar



1 Rammevilkår

1.1 Omfang

Løyvet gjev vilkår for å redusere forureining frå utfylling i sjø for å etablere ein molo som hamn for fiskebåt/sjark i eigedomen 30/49 i Olsetvikane, Askvoll kommune.

Tiltaket omfattar utfylling i sjø av ca. 3 000 m³ stein, samt sprenging av landområdet på innsida av moloen. Massane skal brukast til fylling for moloen.

Statsforvaltaren legg til grunn at tiltaka skal gjennomførast som nemnt i oppdatert søknad av 27. oktober 2025 med mindre anna er avtala med Statsforvaltaren.

1.2 Varsel om oppstart

Statsforvaltaren skal varslast om oppstart av anleggsarbeidet seinast ei veke før anleggsarbeida startar. Det kan varslast med ein e-post tilsfvlpost@statsforvalteren.no.

2 Generelle vilkår

2.1 Plikt til å redusere forureining så langt som mogeleg

All forureining frå verksemda, medrekna utslepp til luft og vatn, støy og avfall, er isolert sett uønskt. Sjølv om utsleppa vert haldne innanfor fastsette utsleppsgrenser, pliktar verksemda å redusere utsleppa sine, medrekna støy, så langt det er mogleg utan urimelege kostnader. Plikta omfattar også utslepp av komponentar som det ikkje er sett uttrykkelege grenser for gjennom vilkår i dette løyvet.

2.2 Plikt til førebyggjande vedlikehald

For å halde dei ordinære utsleppa på eit lågast mogleg nivå og for å unngå utilsikta utslepp, skal verksemda sørgje for førebyggjande vedlikehald av utstyr som kan ha noko å seie for utsleppa. System og rutinar for vedlikehald av slikt utstyr skal vere dokumenterte.

2.3 Tiltak ved auka forureiningsfare

Dersom det oppstår fare for auka forureining skal verksemda så langt det er mogleg utan urimelege kostnader setje i verk tiltak som er nødvendige for å eliminere eller redusere den auka forureiningsfaren. Om nødvendig må verksemda redusere eller innstille drifta.

Tiltakshavar skal så snart som mogeleg informere Statsforvaltaren om unormale tilhøve som har eller kan føre til vesentleg auka forureining eller forureiningsfare. Akutt forureining skal i tillegg varslast i samsvar med punkt 3.3.

2.4 Miljøriskovurdering av anleggsarbeida

Dette løyvets vilkår er basert på dei miljøriskovurderingane som er utført i samband med søknad om



løyve etter forureiningslova og dei forslag til avbøtande tiltak som er søkt om for å redusera fare for forureining til eit akseptabelt nivå.

Verksemda plikter å ha oversikt over alle aktivitetar og forhold som kan føre til forureining og kunne gjere greie for risiko. Ved endra forhold skal miljørisikovurderinga oppdaterast. Resultata skal vurderast opp mot akseptabel miljørisiko.

Med utgangspunkt i risikovurderinga skal verksemda iverksette risikoreduserande tiltak. Både sannsyn- og konsekvensreduserande tiltak skal vurderast. Tiltakshavar skal ha ein oppdatert plan over risikoreduserande tiltak, og sikre at tiltak herifrå vert innarbeida og gjennomført.

2.5 Ansvar

Tiltakshavar er ansvarleg for å sikre og dokumentere at vilkåra i dette løyvet vert stetta. Tiltakshavar pliktar å ha oversikt over alle aktivitetar som kan medføre forureining og kunne gjere greie for risikoforhold. Tiltakshavar pliktar vidare å orientere vedkommande som skal gjennomføre tiltaka om de vilkår som gjelder, samt de restriksjonar som er lagt på arbeidet.

2.6 Erstatningsansvar

Sjølv om løyve er gitt, pliktar den som forårsakar forureining eller annan type skade å svare for erstatning som måtte følge av alminnelege erstatningsreglar.

2.7 Kulturminne i sjø

Stiftelsen Bergens Sjøfartsmuseum gjer merksam på at tiltakshavar pliktar å gje melding til museet (marinarkeologi@museumvest.no) dersom ein under arbeid i sjøområda finn skipsvrak, keramikk eller andre marine kulturminne. Dersom kulturminne på sjøbotnen kan bli råka av tiltaket, må arbeidet under vatn straks stoppast. Tiltakshavar må i så fall ikkje starte opp att før museet har undersøkt og eventuelt frigjeve området. Eventuelle brot på desse vilkåra vil være i strid med føresegnene i Lov av 9. juni 1978 nr. 50 om kulturminne.

2.8 Aktsemd ovanfor framande organismar

Den framande arten havnespy/japansk sjøpung (*Didemnum vexillum*) er allereie etablert fleire stader i landet. Dette er en framand og uønskt art som formerer seg raskt og forårsakar til store problem for marine miljø og næringar. Arten veks bl.a. på skrog, fortøyingar, bryggjer og anna som finst i sjøen. Vestland fylke har gjennom dei siste åra registrert ein auke i observasjonar av havnespy. Havnespy er påvist ved kaier i Haugesund, Askøy, Bergen og fleire stadar i Sogn. Arten blir spreidd via skipsfart, særleg i dei største hamnene som har besøk av utanlandske skip. Arten kan òg bli spreidd til mindre hamner via småbåtar eller festa til tauverk, blåsar og andre flyteobjekt i sjøen.

Statsforvaltaren minner om aktsemdsplikta i medhald til forskrift om framande organismar § 18. Der står det at den som set i verk tiltak som kan medføre utilsikta spreiding av framande organismar¹ i

¹ Jf. [Fremmedartslisa 2023](#) og forskrift om fremmede arter.



miljøet, skal opptre aktsamt for å hindre at aktiviteten får uheldige følger for det biologiske mangfoldet. Tiltakshavar skal ha kunnskap om risikoen aktiviteten inneber, kunnskap til å treffe førebyggjande tiltak og kunnskap til å raskt avdekkje utilsikta spreiring av framande organismar. Mistanke om funn av havnespy [må meldast inn](#) og verifiserast av marinbiologisk kompetanse. Dersom havnespy blir bekrefta, [skal observasjonen rapporterast til Artsdatabanken](#), og det må setjast i verk tiltak for å unngå vidare spreiring. Slike tiltak skal skje i samsvar med [rettleiing gitt av Sjøfartsdirektoratet](#).

2.9 Sakshandsaming etter anna lovverk

Dette løyvet frittek ikkje for handsaming etter anna lovverks som er relevant i saka, til dømes hamne- og farvasslova og plan- og bygningslova.

3 Internkontroll, beredskapsplan og akutt forureining

3.1 Internkontroll

Tiltakshavar plikter å etablere internkontroll for sin verksemd i medhald til internkontrollforskrifta². Internkontrollforskrifta skal blant anna sikre og dokumentere at tiltakshavar stettar krava i dette løyvet, forureiningslova, produktkontrolllova³ og andre relevante forskrifter til desse lovene. Tiltakshavar plikter å halde internkontroll oppdatert.

Når ein tiltakshavar som oppdragsgivar engasjerer oppdragstakar (entreprenør eller liknande) til å utføre oppgåver på tiltakshavars anlegg, skal oppdragsgivar sørge for at oppdragstakar er kjent med og har internkontrollsystem i tråd med løyvets vilkår.

Tiltakshavar plikter alltid å ha oversikt over alle aktivitetar og forhold som kan føre til forureining og kunne gjere greie for risiko. På basis av miljørisikoanalyse skal tiltakshavar sette i verk miljørisikoreduserande tiltak.

3.1.1 Avvikshåndtering

Avvik (brudd på forurensningsregelverket) skal avvikshandteres i samsvar med bestemmelsene i internkontrollforskriften § 5 2. ledd punkt 7. Dette inkluderer årsakene til at avvikene har skjedd, vurderinger og iverksetting av strakstiltak for å rette avvikene, og vurderinger og iverksetting av avbøtende tiltak for å hindre at lignende avvik skal skje på nytt. Avvikshandtering skal dokumenterast skriftleg.

² Systematisk helse -, miljø- og sikkerhetsarbeid i virksomheter – forskrift av 06.12.1996 nr 1127 (internkontrollforskriften)

³ Produktkontrolllova av 11.06.1979 nr 79



3.2 Beredskapsplan

Den ansvarlege skal sørge for å ha en nødvendig beredskap for å hindre, oppdage, stanse, fjerne og avgrense påverknad av akutt forureining for si verksemd, jf. forureiningslova § 40. Beredskap skal stå i et rimeleg forhold til sannsyn for akutt forureining og omfanget av skadane og ulempene som kan inntreffe. Beredskapsplikta inkluderer også utstyr og kompetanse til å fjerne og avgrense verknaden av forureininga.

Tiltakshavar skal utarbeide beredskapsplan for tiltaket. Ved endra forhold skal beredskapsplanen oppdaterast. Beredskapsplanen skal være tilgjengeleg og kjent for dei som utfører arbeid der akutte hendingar i flg. planen, kan oppstå.

3.3 Varsling om akutt forureining

Ved akutt forureining eller fare for akutt forureining som følge av tiltaket, skal den ansvarlege straks varsle på telefon 110, etter Forskrift om varsling av akutt forureining eller fare for akutt forureining fastsett av Miljøverndepartementet 9. juli 1992. Statsforvaltaren skal også varslast.

4 Vilkår for utføring av tiltak i sjø

4.1 Generelt

Tiltaka i sjø skal utførast på ein måte som minimerer spreiding av partiklar og tilslamming av vassmassane. Dersom det oppstår utilsikta forureiningssituasjonar skal arbeidet stanses og korrigierende tiltak gjennomførast.

4.2 Tidsavgrensingar

Av omsyn til gyteperioden for kysttorsk i Høyvika – Granessundet gytefelt skal utfyllinga ikkje utførast innafor tidsperioden 1. februar til 31. mai.

4.3 Kontroll av utfyllingsmassar

For utfyllinga skal det nyttast mest mogeleg reine massar. Massane skal være egna for føremålet. Det skal utarbeidast rutinar for kontroll av steinmassar før desse vert fylt i sjøen. Innhald av plastrestar og anna forureining frå sprengstein skal primært ikkje hamne i sjøen. Det må være rutinar for å reinske opp eventuelle forureiningar som kan følge med steinmassane.

Informasjon om massane skal sendast Statsforvaltaren før oppstart, bl.a. ein karakterisering av massane (del finstoff/storleik/bergart) og kva tenntystem som er nytta ved utsprenging. Statsforvaltaren skal haldest orientert om eventuelle nye leverandørar av utfyllingsmassar, der informasjon om massane vert sendt oss før utfylling skjer.

4.4 Siltgardiner/partikkelsprerrer

Som avbøtande tiltak for å redusere fare for forureining og spreiding av finstoff til vassførekomsten ved utfylling skal det nyttast doble siltgardiner. Siltgardinene skal dekke heile vassøyla på ein måte slik at



grenseverdi for turbiditet blir overhalden. Det skal nyttast siltgardiner som er eigna for tilhøva ved tiltaksområdet, sjå fagrapport⁴ frå Statens vegvesen.

Ved val av siltgardiner må straum- og vêrtilhøve, botn- og djupnetilhøva på staden leggjast til grunn for prosjektering av flytelegeme og vekt på lodd/botnfester.

Det skal førast jamleg kontroll med at siltgardinene fungerer etter hensikta. Dersom siltgardinene ikkje lenger fungerer skal dei reparerast eller bli bytta ut. Arbeid/utfylling i sjø skal ikkje skje når siltgardinene ikkje fungerer.

4.5 Turbiditetsmålingar

Turbiditetsmålingar skal planleggast og utførast i samsvar med Norsk Standard NS-9433⁵.

Turbiditetsmålarer skal plasserast i nærleiken av tiltaksområdet, i samarbeid med entreprenør. Den skal brukast med grenseverdi og rutinar for stans i arbeidet viss finpartiklar når en konsentrasjon over satt alarmgrense.

Det må dokumenterast en referanseverdi/bakgrunnsnivå for turbiditet, enten fastsett på førehand ved målingar eller med en referansestasjon der det blir tatt målingar ved faste intervall under anleggsperioden.

Partikkelkonsentrasjonen utanfor partikkelsperra i tiltaksområdet skal ikkje vere høgare enn bakgrunnsverdi + 10 NTU/FNU i ein periode på meir enn 20 minutt. Dersom alarmgrensen blir overskrevet skal utfyllingsarbeidet stanses, og nødvendige avbøtande tiltak utførast. Viss overskridinga skjer på grunn av arbeidet, kan arbeidet ikkje starta opp igjen før turbiditeten er nede på stabile nivå under alarmgrensene.

Handtering av alarmer skal innarbeidast slik at alle relevante ledd i prosjektorganisasjonen kjenner alarmgrensene og kva aksjoner som skal utførast ved overskriding, jf. vilkår 3.1 om internkontroll.

Kunnskap og informasjon tileigna i prosjektet skal brukast for justering av måleprogrammet. Dersom observasjonar og målingar viser at ein måler ikkje er plassert på eigna stad eller djupne, skal målarer flyttast. Detaljert metode for referanseverdi, alarmgrenser, plassering av målestasjon og prosedyre for jamleg vedlikehald og reingjering av sensorane skal beskrivast i kontroll og overvåkingsplan, jf. vilkår 6.1.

5 Avfall

5.1 Generelle krav

Verksemda pliktar så langt det er mogleg utan urimelege kostnader eller ulemper å unngå at det blir danna avfall som følgje av tiltaka. Særleg skal innhald av skadelege stoff i avfallet avgrensast mest

⁴ Siltgardiner: funksjon, tilpasning og oppfølging. Rapport nr. 205 – 2013.

⁵ Turbiditetsovervåking av tiltak i vannforekomster. Norsk Standard NS- 9433.



mogeleg. Verksemda pliktar å sjå til at all handtering av avfall, under dette gjenvinning, blir utført i samsvar med gjeldande regler fastsett i eller i medhald av forureiningslova og avfallsforskrifta.

5.2 Handtering av farleg avfall

Verksemda skal handtere farleg avfall i tråd med avfallsforskrifta kapittel 11 om farleg avfall.

Farleg avfall som blir lagra i påvente av levering/henting skal lagrast slik måte at det ikkje fører til avrenning til grunn, overflatevatn eller avløpsnett. Lagra farleg avfall skal være merka og skal ikkje blandast saman med anna avfall. Lagring skal skje i tett container eller under tak på fast dekke. Lageret skal være sikra mot uvedkommande.

Farleg avfall skal leverast vidare til godkjend mottak eller behandlingsanlegg minst ein gang per år. Farleg avfall skal deklarerast på www.avfallsdeklarerer.no.

5.3 Plast

Det skal gjerast tiltak for å avgrense tilførsel av plast til naturen. Det skal gjennomførast opprydding av plast og annet avfall undervegs og i etterkant av tiltaket ved tiltaksområdet og nærliggande områder. Rutinar for dette skal føreligge skriftleg. Oppsamling av eventuelt avfall i sjøen skal loggførast. Rutinar for overvaking og oppsamling av avfall i sjøen skal inngå i overvaksingsplanen. Oppsamla avfall skal leverast til lovleg avfallsmottak.

Miljødirektoratet sitt faktaark⁶ M-1085|2018 kan nyttast som ein rettleier.

6 Overvaking og kontroll, rapportering og dokumentasjon til Statsforvaltaren

6.1 Plan for kontroll og overvaking

Det skal utarbeidast ein kontroll- og overvaksingsplan for tiltaket. Planen må ha tilstrekkeleg omfang til å avdekke spreiding av forureining frå tiltaket, medrekna kontroll med spreiding av partiklar og plast. Kontroll- og overvaksingsplanen skal avdekke eventuelle negative påverknader på naturmiljøet frå anleggsarbeidet.

Utarbeiding av planen, plassering og drift av turbiditetsmålar og bestilling og feste av siltgardiner skal utførast av kompetent personell med røynsle frå slikt arbeid.

Kontroll- og overvaksingsplanen skal sikre at vilkåra i løyvet vert stetta, og planen skal utarbeidast i tråd med tilrådingane gitt i Miljødirektoratet si rettleiar for handtering av sediment M-350/2015. Måleutstyr, metodar, gjennomføring og analysar skal følgje norsk standard.

⁶ Problemer med plast i sjø ved utfylling av sprengstein i sjø. Miljødirektoratet M-1085/2018



Den ferdige kontroll- og overvåkingsplanen sendes til Statsforvaltaren i forkant av anleggsstart.

6.2 Sluttrapport

Det skal sendast inn sluttrapport frå arbeida innan 10 veker etter at anleggsarbeida er avslutta. Rapporten skal oppsummera anleggsarbeida, og skal innehalde:

- Omtale om korleis arbeidet er utført (metodar).
- Opplysningar om kor store mengder masse som faktisk har blitt fylt ut (i m³ eller tonn).
- Oversikt over uønskte hendingar, merknader og ei skildring av eventuelle avbøtande tiltak som er gjennomførte for å hindra uheldig påverknad på omgjevnadene.
- Dokumentasjon av levering av eventuelt avfall.

7 Tilsyn

Verksemda pliktar å la representantar for Statsforvaltaren eller andre som har styresmakt, føre tilsyn med verksemda til ei kvar tid.